



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Acta Synodalia Osnabrvgensis Ecclesiæ, Ab Anno Christi
MDCXXVIII.**

Brogberen, Johannes

Coloniæ Agrippinæ, 1657

VI. Statuta Provincialia Domini Theodori, Archiepiscopi Coloniensis, de
anno Domini MCCCCXXIII.

urn:nbn:de:hbz:466:1-14298

ARGUMENTA
SEV TITVL
STATVTO RV
ECCLESIAE COLONIENSIS,
Editorum à Domino
THEODERICO,
S. COLONIENSIS ECCLESIAE
ARCHIEPISCOPO.

- | | | | |
|--|---|--|----|
| Contra fornicarios seu Concubinarios Clericos. | 1 | si tamen idonei haberi poterunt, afferendi. | 7 |
| Contra seculares, interdientes suis subditis, ne
civilia & necessaria commercia cum Clericis
habeant, seu solita obsequia eis exhibeant. | 2 | Quibus de Concubinariis superius mandatum in-
telligendum. | 8 |
| Officialis, in Causis Appellationum à Suffraga-
neis, servabit Iura communia. | 3 | Contra heres, praesertim Wicleficam seu Hussi-
ticam, per id tempus sevientem. | 9 |
| Contra abrogantes pias & laudabiles consuetudi-
nes. | 4 | Cur singulis feriis sextis, circa meridiem, campana
magna pulsetur, & cur item quotidie mane &
vespers ceterorum ictuum pulsatio fiat. | 10 |
| Stationariorum seu Questuariorum officia solis
tantummodo Sacerdotibus concedenda. | 5 | Compassionis B. Marie Festum seu Memoria
quando in Templis agenda. | 11 |
| Contra deambulantes in Templis sub Officiis Di-
vinis. | 6 | Statutorum Copia quibus necessario habenda. | 12 |
| In Vicecuratores Ecclesiarum Parochialium, non
Frates Mendicantes sed Presbyteri seculares, | | Approbatio Privilegiorum Cleri Coloniensis.
Receptio & Comprobatio Statutorum Provincia-
lium D. Nicolai Cusani Cardinalis. | |

STATVA
ECCLESIAE COLONIENSIS,
A BONÆ MEMORIÆ
D. THEODERICO,
ARCHIEPISCOPO COLONIENSI,
In Provinciali Concilio edita

ANNO DOMINI MCCCCXXIII.



HEODERICVS, Dei grata-
tia, sanctæ Coloniensis Eccle-
siae Archiepiscopus, Sacri Imperii per Italiam Archicancellarius, Westphaliae & An-
gariae Dux, &c.

I. *Contra fornicarios seu Concubinarios Clericos.*

Licet, per facros Canones sanctorum Pa-
trum, satis abunde contra notorios for-
nicios Presbyteros, similiter & Clericos in
sacris Ordinibus constitutos & Beneficiatos,
focarias

focarias & Concubinas & mulieres suspectas, in domibus suis, & extra domum in Parochia, publice habentes, provisum existat: quia tamen, succrescente malitia temporis moderni, labes hujusmodi criminis in Ecclesia Dei in tantum inolevit, quod scandala plurima in populo sunt exorta, & verisimiliter exoriri poterunt in futurum, & ex fide dignorum relatione percepimus, quod quidam Ecclesiarum Praelati, & alii, etiam Capitula, ad quos vel ad quem immediate correctio conjunctim vel divisi ex statuto seu confuetudine dinoscitur pertinere, obtenuit commodi temporalis, vel ex negligencia, tales in suis iniquitatibus sustinuerunt & sustinent: Ideo, hoc sacro Provinciali Concilio approbante, monemus omnes & singulos Ecclesiarum Praelatos, & alios quoque Nostrae Provinciae, etiam Capitula & Collegia, ad quos vel ad quem hujusmodi Presbyterorum, Clericorum in sacris Ordinibus constitutorum ac Beneficiatorum, & aliorum correctio conjunctim vel divisiim immediate spectare dinoscitur, quatenus intra sex septimanarum spatium, post praesentem statutorum Provinciae publicationem, moneatis in specie & nominatim sub pena juris, & aliis maxime formidabilibus, omnes & singulos Presbyters & Clericos in sacris Ordinibus constitutos, ut intra novem dierum spatium post hujusmodi monitionem eis factam, quorum diecum tres pro primo, tres pro secundo, & reliquos tres pro tertio & peremptorio termino præfigimus, suas focarias seu Concubinas a se removeant, & ipsas ab eorum cohabitationibus & a Parochia penitus expellant, ipsas vel alias minime in eorum habitationibus & Parochia admissuri; alioqui inobedientes, ab Officiis Divinorum suspendant; & si protteritas eorum hoc exegerit, Beneficiis suis priventur. Et, si Praelati & aliqua etiam Capitula, ad quos Correctio prescriptorum immediate conjunctim vel divisiim pertinere dinoscitur, praescriptos Concubinarios effectualiter non corixerint, ita quod ipsi praescriptas mulieres a se & Parochia non removeant cum effectu vel animo, aut alias in eorum habitationes vel Parochias resumperint; & praescripti Praelati & Capitula tales Presbyters vel Clericos, Beneficiatos vel non Beneficiatos, in suis iniquitatibus per spatium sex septimanarum sustinuerint; ex tunc volumus quod correctio talium Presbyterorum & Clericorum, Beneficiatorum & non Beneficiatorum, ad Dioecesanos locorum plenarie devolatur. Et, si Dioecesani locorum per sex spatium mensium hujusmodi delicta reliquerint incorrecta, cum ex tunc possint notari de negligentia, volumus & statuimus, quod ex tunc illorum delictorum & delinquentium correctio ad Nos libere devol-

vatur; non obstantibus quibuscumque pactis, consuetudinibus seu statutis. Inhibemus etiam, ne Beneficiati prædicti filios aut filias vel Concubinas dorent aut ditent de matrimonio Crucifixi, aut talium nuptiis vel etiam exequis audeant interesse: & qui contra fecerint, pena Canonica percellantur.

II. *Contra seculares, interdicentes suis subditis, ne civilia & necessaria commercia cum Clericis habeant, seu solita obsequia eis exhibeant.*

Item, licet per sacros Canones sit provisum I contra obtinentes temporale Dominium, interdicentes suis subditis, ne Prælatis aut Clericis seu personis Ecclesiasticis quicquam vendant, vel emant aliquid ab eisdem, neque ipsis blada molant, coquant panem, aut alia obsequia exhibere prelumant, cum talia in derogationem Ecclesiastice Libertatis prelumantur: quia tamen persepe Universitates Civitatum, oppidorum, villarum & aliorum locorum, nec non Collegia, Societates, seu corpora Ministeriorum seu Officiorum mechanicorum, praescriptis similia & interdum majora committunt, & contra tales provisum est: Ideo statuimus & ordinamus, omnes & singulos, ad hoc opem, consilium, auxilium, vel favorem præbentes, Excommunicationis sententiam incurrere ipso facto. Et, quia per præmissa providimus Clericis contra Laicos, volentes etiam providere Laicis contra Clericos, quod ipsis Laicis de Clericis conquerentibus, ab ipsis Clericorum iudicibus fiat justitia expedita.

III. *Officialis, in causis Appellationum à Suffraganeis, servabit Iura communia.*

Item statuimus, quod Officialis Noster Colonensis, qui fuerit pro tempore, in causis Appellationum, quæ ad curiam nostram ab Audientia Suffraganeorum Nostrorum seu eorum Officialium devolventur seu hactenus sunt devolutæ, servet jura communia, & maxime illa, quæ introducta sunt per felicis rec. ^{t. Roma-} Innocentius Papam IV, quæ hodie sunt ^{nisi de a-} inserta libro sexto Decretalium. Alioqui ^{pell. in 6.} ipsum Officiale nostrum ab Officio suspendimus.

IV. *Contra abrogantes pias & laudibiles consuetudines.*

Item, cum præsumptuosa quorundam dominorum temporalium, Iudicum, Scabiorum, Consulum, Universitatum, Civitatum,

oppidorum, villarum, & aliorum locorum, nec non Collegiorum, Societatum seu corporum ministeriorum & officiariorum mechanicorum, Rectorumque aliorum locorum vel communitatum, aut quocunque nomine vel titulo nominare se præsumunt, seu præsumant in futurum; in nonnullis Nostrarum Civitatis & Diœcesis nec non Provinciæ terminis, contra Dei Ecclesiam suam extendentium potestatem temeritas sic excrevit, quod consuetudines & observantias vetustas & laudabiles, pia fidelium devotione introducunt, non absque scrupulo hereticae pravitatis infringere moluntur, inhibendo, seu opem, operam, consilium, auxilium & favorem ad hæc præstanto, aut aliis callidis & occultis machinationibus, seu condicis verbis aut factis perficiendo, ne tempore Exequiarum, ac in Septimis, Tricesimis, & Anniverariis Parochianorum defunctorum, aut aliæ quocunque tempore, panes, carnes, vel calei, seu pices, vinum vel cerevisia, seu candelæ vel denarii, aut aliæ res qualibet, prout juxta modum & consuetudinem prædictam earundem Ecclesiarum, Capellarum, vel Altarium, sub antiquis temporibus obtentum fuit, à Christi fidelibus utriusque sexus hominibus offerantur; ne etiam quis minus aut aliud, quam certam monetam, aut ejus valorem, aut Petras effraæ monetæ, aut consimile (in præjudicium Ecclesiasticae libertatis, ac contra constitutiones & observantias memoratas) offerat temporibus antedictis; cum præmissa in Divinæ Majestatis offendam (à qua Majestate Laici præscripti suas merito sibi datas recognoscere deberent potestates) ac Ecclesiarum earundem ac confuetudinum & observantiarum prædictarum grandem perniciem tendere dinoscuntur: Nos hujusmodi auctibus nefariis occurrere cupientes, districte inhibemus, ne quis, in modis præscriptis, vel aliis quibuscumque, dictas consuetudines infringat, aut infringere sine violare procuret, aut talia mandata vel statuta & novas consuetudines, immò verius corruptelas, de novo introducant, nec per se alios, qui buscumque machinationibus, condicis verbis vel factis qualitercumque efficiendo impediunt, quo minus dictæ aut quævis aliæ Oblationes, Ecclesiis aut Ecclesiasticis personis quibuscumque, juxta vota fidelium, liberè offerantur: nec, ad prædicta facienda vel non facienda, dent consilium, auxilium, opem, operam, vel favorem publicè vel occulte.

Insuper districte præcipiendo mandamus, ut in contrarium attentata, si quæ sint, revocent, & revocari procurent cum effectu intra mensem post publicationem hujusmodi Nostræ statuti. Alioquin in omnes & singulos, in præmissis contrarium facientes, & in his aut aliquo

THEODERICI

ipsorum inobedientes & rebelles, Excommunicationis sententiam, quam etiam ipsos per Ius commune incidiſſe reputamus, ferimus in his scriptis; à qua, nisi Rectori Ecclesie, Capellæ, vel Altaris, cuius oblatio (ut præmittitur) impedita fuerit vel diminuta, de injuriis, damnis, expensis, & interesse, prius integrè satisfactum fuerit, nullatenus absoluntur. Volentes, quod universi & singuli Ecclesiarum Rectores, & eorum vices gerentes prædicti, quorum interest, præmissa suis Parochianis, singulis mensibus semel, publicare non omittant. Et, si Universitas in præmissis vel aliquo præmissorum deliquerit vel contra fecerit, Ecclesiastico supponimus Interdicto.

V. Sationariorum seu Quæstuariorum
Officia solis tantummodo Sacerdotibus concredenda.

Item, statuimus & inhibemus, sub poena Excommunicationis latæ sententiae, ne quis de Officio Quæſtionatus Eleemosynarum se intromittat, nisi in sacris Ordinibus fuerit constitutus: nec Ambonem ad prædicandum populo, aut charitativa poſtulandum ſubſidia, aut Indulgencias ſibi commiſſias inſinuandum, vel aliud quam in eorum literis Apostolicis, vel Diœcelani Episcopi, contineatur, exponendum, niſi in Sacerdotio conſtitutus, ascendere præſummat. Mandantes universi & singulis Diœcelanis Noſtri Capitulis & aliis ad quos talium conſtitutio diſciptur pertinere, ne alicui, niſi ſecundum formam ſtatuti, literas concedant, & extra iſtam formam confeſſas, quanto citius revocare procurent.

VI. Contra deambulantes in Tempis
sub Officiis Divinis.

Item statuimus, ne Canonici ac Beneficiati in Ecclesia, vagentur in Choro vel in Ecclesia, aut etiam intra Ecclesiam vel Coemeterium de loco ad locum, nec ſtando vel ſedendo inutiliter fabulentur, quamdiu inibi Divina peraguntur; ſed moratæ & diſtinctè in Choro intendant Divinis; ſub poenis privationis Fructuum ad octo dies.

VII. In Vicecuratos Ecclesiarum Parochialium, non Fratres mendicantes ſed
Presbyteri ſeculares, ſi tamen idonei
haberi poterunt, afferendi.

Item statuimus & ordinamus ſub poena Excommunicationis, quam ferimus in his scriptis, ne aliquis Rector aut perpetuus Vicarius

rius Parochialis Ecclesiae seu etiam Capellæ, ordinet, constitutat, vel deputet aliquem Religiosum mendicantem vel non mendicantem, ad regendum & gubernandum seu officiandum Ecclesiam suam, vel ejus Vicariam seu Capellam, aut * alias vices suas committere talibus praesummat, modo alter idoneus comode haberi poterit, dolo & fraude seclusis.

* alia. Datum, statutum, & ordinatum Coloniae, de consilio & in praesentia Venerabilium virorum Ambasiorum & Nunciorum Reverendorum Patrum & Dominorum Suffraganeorum nostrorum, Leodiensis, Traiectensis, Monasteriensis, Mindensis, & Osnaburgensis Episcoporum; ac Capitulorum Ecclesiarum earundem, qui ad hoc missi fuerunt in multitidine copiofa; Anno Domini 1423, die Sabbathi, vigesima mensis Martii, sub sigillo Nostro, præsentibus impresso in testimonium præmissorum.

VIII. Quibus de Concubinariis superius mandatam intelligendum.

THeodericus, Dei gratia, sanctæ Coloniensis Ecclesie Archiepiscopus, sacri Imperii per Italiam Archicancellarius, Westphaliae & Angariae Dux, &c. Cum Nos nuper editioni nostrorum statutorum Provincialium, in Sessionibus Nostrri Concilii Provincialis solemniter publicatorum, autoritatem, consensum & operam dederimus: jura tamen & jurisdictiones aut libertates Suffraganeorum nostrorum, & Ecclesiarum, aut aliorum quorumcunque Iudicum Provinciae Nostræ, tollere aut laedere, vel eos, ad aliquod verisimiliter impossibile, obligare non intendebamus nec intendimus. Idcirco, ad omnem ambiguitatem tollendam, quæ circa statutum, pridem in hoc sacro Concilio contra Concubinarios editum, possit suboriri, declaramus, hoc statutum ad notorios Concubinarios, Concubinas in corum habitationibus vel alibi publice detinentes, duntaxat extendi debere. Nolumus etiam, vigore dicti statuti, Nobis aliquam jurisdictionem acquiri vel ad Nos devolvi. Carolinam in generali Concilio Constantiensis approbatam, mandamus ab omnibus observari; ipsamque aliis constitutionibus statutorum Provincialium volumus infermat haberi.

Constitu-
tio Caro-
lina con-
firmata in
Concilio
Constantien-
si, Seff.
19.

IX. Contra haereses, praesertim Wiclefiam seu Hussiticam, per id tempus servientem.

Hæreses, haeticorumque Ioannis Wiccleff, Ioannis Hus, & Hieronymi de Praga, doctrinas erroneous anathematizamus, reprobamus, & totaliter condemnamus;

mus; afferentes cum Concilio generali Constantiensi, quod omnes hujusmodi Articuli, aut sunt piarum aurium offendivi, aut seditionis, aut scandalosi, vel manifeste à fide devii, seu expressam haeresci continentis; prout in sententia lata contra dictos haeticos & iprorum perversa dogmata, plenius continetur. Quapropter universos & singulos, subjectos Nobis, in virtute sanctæ Obedientiæ requiri mus, & eis præcipiendo mandamus, quatenus, in spiritu virtutis Dei exurgentis, prædictorum haeticorum sequaces aut fautores vel receptatores, & eorum doctrinam reprobam cum opusculis memoratis, ubique illos seu illas contigerit reperiri, diligenter inquiratis, Nobisque Ordinario loci, aut alicui ex Inquisitoribus haeticæ pravitatis, ad hoc à Sede Apostolica deputatis vel deputandis, prodatis vel reveletis, atque mediante justitia (si non resipuerint) exterminari fideliter procuretis. Nos enim omnibus, per nostram Provinciam constitutis, confessis & contritis, qui ad hoc operam efficaciter dederint, aut qui in expeditione exercituum contra dictos haeticos profecti fuerint, de omnipotentis Dei misericordia, & sanctorum ac sanctarum nostrorum Patronorum & Patronarum meritis aut precibus confisi, xli dies Indulgientiarum de injunctis eis poenitentiis misericorditer in Domino relaxamus: Suffraganeos Provincie Nostræ in Domino hortantes, ut his nostris Indulgentiis similes in suis Civitatibus & Diocesibus superaddant. Mandantes insuper omnibus & singulis Ecclesiarum Rectoribus, & eorum Vicariis seu Presbyteris, aliisque Prædicatoribus per Provinciam Colonensem, quod in singulis sermonibus suis, ad populum faciendis, exhortationes faciant speciales ad inducendum populum congruis modis, ut orationes, jejuna, & alia pia opera, omnesque Presbyteri dictæ Provinciae Nostræ, Missarum in solemnis celebrandis, speciales Collectas & suffragia Nostro offerant Salvatori, quatenus Ecclesie sanctæ & veris Christicolis contra quoscunque persecutores aut rebelles ejusdem, praesertim dictam fidem impugnantes, largiri dignetur victoriæ & triumphum.

X. Cur singulis feriis sextis, circa meridiem, campana magna pulsetur; & cur item quotidie, mane & vesperi, certorum iecatum pulsatio fiat.

ITem deinceps in singulis Civitatibus & locis Provinciae Nostræ principalibus Ecclesiis Collegiatis & Parochialibus, omnibus feriis sextis hora meridiei vel circa, in memoriam Passionis & mortis Domini nostri Iesu Christi,

Christi , nostrique Redemptoris , solemniter campana cuiuslibet Ecclesiarum magna pulseretur , ad excitandum Christi fideles , ut eadem hora memoriam Passionis Christi & suæ Redemptionis devotius recolant , & , per ejus merita , misericordiam Dei pro præmissis & omni necessitate Ecclesie implorent . Similiter quoque , approbante hoc sacro Provinciali Concilio , statuimus , ut deinceps in singulis Ecclesiis prædictis omni die circa Solis ortum , in memoriam Compassionis gloriosæ Virginis Mariæ , pulseretur tribus vicibus campana magna ipsius Ecclesie ; & , prout haec dies circa occasum Solis , pro salutatione ejusdem Virginis gloriosissimæ , pulsari conuevit , ad hortandum Christi fideles , ut in laude ipsius Virginis incipientes , eam cum Salutatione Angelica venerentur , ut ipsa , quam Filius ejus nihil negans semper honorat , pro nobis & omni necessitate nostra apud Dominum intercedat . Nos enim omnibus contritis & confusis , in Provincia Nostra constitutis , qui feria sexta tempore pulsus in memoriam Passionis & Mortis Domini Nostri Iesu Christi , tria *Pater Noster* , & tria *Ave Maria* , &c. nec non qui tempore pulsus , qui singulis diebus fieri debet circa ortum Solis , ter salutationem Virginis Angelicam , *Ave Maria* , flexis genibus oraverit , de omnipotentis Dei misericordia , & autoritate Nostra Metropolitana & Ordinaria , xl dies Indulgientiarum de injunctis eis Poenitentiis , toties quoties hoc fecerint , misericorditer in Domino relaxamus : Suffraganeos Provinciæ Nostræ in Domino hortantes , ut his Nostris Indulgentiis similes in suis Civitatibus & Diœcesis superaddant .

X I. *Compassionis B. Mariae Festum seu memoria quando in Templis agenda.*

AD gloriam sanctæ & intemeratae Virginis Dei Genitricis , pro miseriis peccatoribus Filium suum crucifixum affidue deprecantis & orantis , cuius laudes , etiam si omnes arenulæ maris in linguis converterentur , de promere nequirent ; nec non ad honorem illius Angustiæ & Doloris , dum Redemptor noster Iesus Christus , expansis manibus in Ara Crucis , pro salute nostra , immolatus , Matrem suam benedictam dilectissimo Discipulo suo Ioanni Euangelistæ commendavit , & præfertim ut prophanorum hæreticorum Hussitarum perfidia , qui Imagines , ad laudem Crucifixi & gloriosæ Virginis dedicatas , au-

Ioan. 19.

su sacrilego comburere & devastare , minime formidarunt nec formidant : statuimus & ordinamus , ut Festum Commemorationis præfatæ Angustiæ & Doloris B. Mariæ Virginis , deinceps singulis annis Feria sexta post Dominicam Jubilate , nisi aliquod Festum eodem die intervenerit , & ex tunc prima Feria sexta proxima subsequenti , in primis Vesperis , Matutinis , aliisque Horis , nec non in secundis Vesperis in Choro tantum , in omnibus Ecclesiis , Provinciæ Nostræ subiectis , secundum Notas ac Historiam & Homiliam de eodem Feste compositas , solemniter celebretur : ut Dominus noster Iesus Christus velamina de cordibus corundem Hæreticorum auferat , & eosdem ad facrosanctam Fidem Catholicam revocare , & Christi fideles ab erroribus & omni malo per piissimam suam misericordiam præservare & custodire dignetur . Cuiuscunque autem interessenti huic Missæ cum devotione , de omnipotentis Dei misericordia & autoritate Nostra Metropolitana & Ordinaria , xl dies Indulgientiarum de injunctis eis Poenitentiis misericorditer in Domino relaxamus : exhortantes Suffraganeos Provinciæ Nostræ in Domino , ut his Nostris Indulgentiis similes in suis Civitatibus & Diœcesis superaddant .

X II. *Statutorum copia quibus necessario habenda.*

CETERUM mandamus omnibus Suffraganeis Nostris & eorum cuilibet , ut statutorum , in sacro Provinciali Concilio concludorum & publicatorum , copiam sub forma authenticâ intra unum meniem immediate subsequentem recipient , & suis Synodalibus Conciliis faciant publicari intra tempus à Iure statutum , ne quispiam de sibi subiectis , de eorum editione prætendere valeat ignorantiam vel allegare . Et præcipue mandamus Decanis Ecclesiæ Nostrarum Civitatis & Dicecisis , ac Christianitatum Decanis , quantum ea in suis Ecclesiis & Capellis convervent & publicent , ac ulterius dent (per Copiam) Ecclesiæ Rectoribus Decanatum eorundem : alioqui , justo impedimento cœfante , præmissa negligentes , per Excommunicationis sententiam , tanquam inobedientes , volumus Canonice puniri .

Pronunciatum in Ecclesia Nostra Coloniensi , sub Anno à Nativitate Domini 1423 , die Iovis , 22 mensis Aprilis , sub sigillo Nostro , præsentibus appenso in testimonium præmissorum .

C O N-